

Ka Angei Noumw iwe Vax Kartun COVID: Iwe Met Iei?




Nupwen ka angei om iwe oposun COVID-19, iwe kopwe angei noum kart ren om kopwe tongeni pwarataa pwe ka opos. Tumunueochu! Tumunueochu ussun chok om tumunu noum credit card, naisinin unteng ika pasport. Noum iwe kart esap chok minen an epwe achema ngonuk om skechon: nge ew mettoch mi auchea minne kopwe tongeni niit nupwen omw sai, neman ika fen pwan ren om kopwe tongeni angei ekkoch sopesopun opos mwach kaan.

Chommong pisis non Washington ra poputa ne awora peekin pesepes epwe apwapwai netipen aramas (ika incentives) ngeni ie mi tongeni pwaari pwe ra ounusaano ar opos, aweewe ren discount, mettoch minen fangeno mi free ika pwan nenien moot emon e mochen atun katon urummot ika pwan ekkoch event. Tumunueochu noumw iwe kartun opos pwe kopwe pwan tongeni angei ekkei incentives.

Ikkei ekkoch mettoch en mi tongeni feeri ren tumunun noum iwe kartun opos:



- **KOPWE** anomu noum iwe kartun opos atun om ukkuti omw oruen opos ika mi chiwen wor iwe pwan murin om ka aweesi unusen om opos.
- **KOPWE** fichi sasingin ir me ruepek noum iwe kart an epwe wor kapiin ese pwan nom non taropwe (ika digital copy) pun epwe mecheres. Ekiki ika kopwe pusin email-ini ngonuk, feeri ew album won noum fon ika kampiuter iwe onomu non an epwe mecheres om kopwe kuna atun om niit.
- **KOPWE** feeri an epwe wor kapiin non sasing ika ke mochen ukkuwei fetanei.



- **KESAP** moneeno ika tumunu esap turusenuk!
- **KESAP** fichi sasingum selfie online om kopwe pwaari noum iwe kartun opos. Mi fen eoch ika kopwe fichi selfie iwe aea ach iei **digital stickers** (Fosun Merika) en mi tongeni kutta won #vaccinateWA ika #wadoh! Chemeni om kopwe tag @WADeptHealth.
- **KESAP** feeri noum iwe kart epwe kaferuno non plastik (ika laminated). En mi tongeni laminate-ini kapiin sasingin om kopwe ukkuwei fetanei.

Met epwe fis ika ese chiwen nom noum iwe Center for Disease Control and Prevention (CDC, ika Ofesin Tumunu me Eppet Semmwun) kartun opos?



Ika pwe kese chiwen kuna ika a turusenuk noum iwe kart, kesap pwan osukosuk! En mi tongeni angei pwan minen pwarataa ren om oposun COVID-19 online ese pwan kame. Ewe MyIR website ina an state ina neeni kopwe tongeni angei ena minen pwarataa ren om opos non ei state Washington. Om kopwe neuneu kapi, teeta won www.MyIRmobile.com iwe ka sainup ese pwan kame. Ika pwe a fen wor om ewe MyIR akkaun, iwe ka tawe!

**Kose mochen chechchemeni pwe ena minen pwarataa ren om opos me ren MyIR mi tongeni pwe epwe mmang, iwe pwan eureuren ifa ussun om kopwe angei e chok mmak non fosun Merika.*

Ren aninnisin chiaku, ika pwan ekkoch sakkun aninnis ren om kopwe angei om rekot, en mi pwan tongeni keeri ewe Washington State Office of Immunization and Child Profile (ika Ofesin Peekin Opos me Nonnomun Semirit) atun kunokun angang won 360-236-3595 ika email ngeni waisrecords@doh.wa.gov.